

Bibel fa Kjinja

brinjt junt

Jacob de
Schumla



Jeschräwen von: Edward Hughes
Jemolt von: M. Maillot un Lazarus
Toom Pauss jestalt von: M. Kerr un Sarah S.
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2010 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.






Haft Gott june Famielje
emol een Bäbe jejäft?

Daut es waut sea
scheenet! Isaak un
Rebecka woaren
sikj dobbelt jefreit
haben. Gott wull an
een Poakje jäwen.



De Bäbes streeden
sikj em Muttalief.
Aus see bäd, säd
Gott daut de
twee Junges
wudden twee
Velkja
väastonen - un
de jinjra wudd
wichtja sennen.
Jeweenlich es de
ieeschta wichtja.
Met de Tiet wieren
de Bäbes kjlien.



Daut Poakje wieren twee veschiedne
Junges. Esau wia ella; hee wia sea hoarich
un wort een gooda Jääja. Jacob haud
glaute Hut un jleicht tus oabeiden.
Voda Isaak jleicht Esau daut baste;
de Mutta trock Jacob väa.



Een Dach wia Esau sea hungrich. "Jeff mie waut to äten," säd hee to Jacob. "Vemoak mie dien Jeburtsrajcht," säd Jacob. Esau wia daut eendoont waut Gott dän ieest-jebuarnen vesproaken haud.

Hee wort sikj eenich met Jacob. Nu wudd Jacob de Famielje leiden wan äa Voda storf.



Gott säd eene Nacht to Isaak: "Ekj sie dien Voda Abraham sien Gott. Ekj sie met die un woa diene Nokomen säajnen." Isaak bäd Gott aun, oba Esau befried sikj met twee Hittita Frues, Lied dee nuscht om Gott romjeewen.





Isaak wort oolt. "Brinj
mie waut freschet Fleesch,"
säd hee to Esau, "Un dan woa
ekj die säajnen." Dit wia een
besondra Säajen von däm Voda
no sienen ieescbt-jebuarnen.
Esau jinkj fuaz jäajren. Oba
Rebecka haud daut jehieet.

See wull haben daut
Jacob dän Säajen
kjrieech.




Rebecka haud eenen Plon.
See koakt schwind soon
Fleesch aus Isaak jleicht,
leet Jacob Esau siene
Kjleeda auntrakjen,
un see muak hoajet
Lada aun siene Henj
un Jenekj. Isaak
kunn nich goot
seenen. Veleicht
kunnen see am
beschumlen.




Jacob brocht Isaak daut Äten. "Diene Stemm es Jacob siene," säd Isaak, "oba diene Henj feelen soo aus Esau." Aus Isaak jejäten haud, säajend hee dän Sän dee ver am kjneed.




Jacob wia jrod wajch-jegonen, dan kjeem Esau no Isaak. "Hia es dien Äten," säd hee. Isaak wist daut see am beschummelt hauden. "Ekj kaun dän Sääjen nich trigj-nämen," säd hee. Esau oajad sikj sea. Hee woll Jacob doot-schlonen.



Rebecka hieed waut Esau doonen wull. "Go no
dienen Onkel," säd see to Jacob,
"bat dien Brooda vejäten haft
waut du jedonen hast." Isaak
wull uk haben daut Jacob
eene Fru von äa Frintschoft
haud. Dan jinkj Jacob wajch.



Dee Nacht, brukte Jacob
eenen Steen aus
sien Kjessen. Veleicht
wia hee eensom,
veleicht haud hee
Angst; oba hee
wia nich auleen.
Gott räd to am
en eenen sea
scheenen
Droom.




"EKJ SIE DIEN VODA ABRAHAM UN ISAAK
SIEN GOTT. EKJ GO MET DIE. EKJ WOA DIE
DIT LAUNT JÄWEN. VON DIENE FAMILJE
WOAREN AULE VELKJA OPPE IEED
JESÄAJENT SENNEN." Aus Gott daut
jesajcht haud, wuak Jacob opp,
un hee enjst sikj.



Onkel Laban freid sikj aus
Jacob kjeem. Jacob wia
siene Nicht, Rahel, sea
goot, un hee oabeid
säwen Joa fa Laban,
daut see sikj befrieen

kunnen.



Oba opp de Kjast
beschummeld
Laban Jacob.



"Dit es Lea, nich Rahel," säd Jacob. "Du hast mie beschummelt." Laban säd, "De elste Dochta mott sikj daut ieeschte befrieen. Befrie die met Rahel, un oabeid noch säwen Joa fa mie."

Jacob deed daut. Veleicht docht
hee aun woo hee Isaak un
Esau beschummelt
haud.



Jacob haud alf Säns. Met
de Joaren jankad am met
siene Famielje trigj no Canaan
to trakjen. Doa wieren siene
Elren. Oba Esau wia uk doa, un
dee haud vesproaken am doot to
moaken. Jacob saumeld siene
Famielje un siene Häaden
toop, un funk aun nohus

to gonen.



Daut wia eene besondre
Reis! Esau, met 400 Mana,
kjeem Jacob bejreessen.
Oba hee deed Jacob
nuscht. Hee rand no
Jacob un drekjt am
goot. Jacob un Esau
wieren wada Frind,
un Jacob wia

jlekJlich
nohus
jekomen.



Jacob de Schumla


Eene Jeschicht von en daut Wuat Gottes,
de Bibel

finjt eenen en

1 Mose 25-33

"Wan dien Wuat openboat woat,
jeft daut Licht." Psalm 119:130





Daut Enj

6



60



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlajchtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

